

長陽縣志卷之六

兵防志

營汛

兵事



營汛

惟城有守因伍置營戍樓百尺驛舍千程平安  
火報羽檄宵征四至八到長亭短亭岩疆錯列  
無閒柝聲

明時兵制無考

國朝康熙三年李來亨殄滅知縣樊維翰詳請設立  
駐防四年撥彝陵鎮中營守備一員千總一員

長陽縣志

卷之六

營汛

一

把總二員領馬步戰守兵丁四百二十一名守  
備千總外委把總駐防縣城把總二員分汛資  
坵漁洋關二處按原撥有外委把總一員

雍正十二年以土司地置長樂鶴峯二州縣添  
設衛昌營以守備移駐長樂裁把總二員留千  
總一員外委把總一員領戰守兵丁一百二十八名  
駐防分汛

駐防長陽縣宜昌中營右哨千總分防陸塘十  
二處



東門塘汎

白石橋塘汎

距城十里

分水嶺塘汎

距城三十里

西流谿塘汎

距城二十五里

東山坪塘汎

距城十里

偏岩塘汎

距城二十五里

高家堰塘汎

距城六十里

七坵塘汎

距城四十里

平樂塘汎

距城三十五里

楊柳池塘汎

距城二十里

峯山塘汎

距城三十五里

老官廟塘汎

距城三十里

駐防長陽縣宜昌中營外委分防陸塘十四處

石嶺塘汎

距城六十五里

張家灣塘汎

距城九十里

龍潭寺塘汎

距城一百二十五里

黃草坪塘汎

距城一百五十五里

長陽縣志

卷之六

營汎

二

厚浪沱塘汎

距城八十里

巴山塘汎

距城一百一十里

資坵塘汎

距城一百三十里

桃山塘汎

距城一百四十五里

天池口塘汎

距城一百五十五里

石壺塘汎

距城一百七十五里

白虎壠塘汎

距城二百二十里

高坵塘汎

距城二百三十里

招徠河塘汎

距城二百一十里

木猪塘汎

距城二百四十里

天里鋪塘汎

距城一百二十里

白沙驛塘汎

距城一百四十五里

按天里白沙二塘係長陽地而汎兵則自東

湖營撥兵防守

前知縣李拔會旗兌巡議附



議曰查得卑縣山陬僻邑廣袤三百餘里並無毗連外省之處其與本省州縣連界者東北接壤東湖有偏岩塘係屬僻地西北連壤歸州天里白沙二塘屬宜昌前營管爲入川通衢頗稱要道正東接壤宜都分水嶺塘與宜都汛相連自此而至境內白石橋都鎮資坵等處水通舟楫陸便行旅雖非要津而往來絡繹亦非僻地惟西南一帶地各百里荒茶坵接壤巴東蹇家園馬料坡接壤長樂其塘防則有招徠河黃草坪木猪峯山等處與衛昌營汛地相連俱係重山峻嶺鳥道羊腸近雖大半開墾居民頗密而去縣窻遠實爲偏僻之區職到任後不時巡查該地離城二三百里本縣止有典史一員又有監獄之責雖巡緝不懈而幅員遼闊實有鞭長莫及之虞查本縣有駐防千總一員外委把總一員千總唐英駐劄城內外委把總李士奇駐劄資坵皆有稽查地方之責請嗣後於鄰封州

長陽縣志

卷之六

營汛

三

縣接壤之處仍責令典史會同營弁按季與鄰封員弁會覓一次仍照前議執領印文互相覲面不得虛應故事亦不得張皇滋擾其境內偏僻之處應請每月督令典史帶領捕役營弁帶領兵目於境內偏僻地方分途分地稽查一次如有疏懈典史責懲鄉保營弁責懲兵目職於巡查保甲之便仍時留心察查將該員弁分別勤惰詳請記功記過如此辦理庶幾事不煩民不擾於地方實有裨益



兵防志二

兵事

雷封百里益東荆西苗蠻徧處風角滋迷蠡屯  
蔓草械鬥勢絲紀其本末作戒山谿

周

楚肅王四年蜀伐楚取茲方於是楚爲捍關以  
拒之史記

按捍關廩君所置張儀稱秦舫船載卒不十  
日而距捍關捍關驚則從竟陵境以東盡城

長陽縣志

卷之六

兵事

守矣黔中巫郡非王之有史記

漢

公孫述使將軍任滿從閬中下江州東據捍關  
於是盡有益州之地漢書

更始十一年乙未岑彭以征南將軍伐公孫述  
而夾川谷水少險難漕運畱威虜將軍馮駿軍  
江州都尉田鴻軍夷陵領軍李元軍夷道自引  
兵屯津鄉發南陽武陵南郡兵皆會荆門斬任  
滿田戎亡保江州岑彭傳



後漢

章武二年壬寅春二月先主自秭歸率諸將進兵緣山截嶺於夷道獠亭連營自佷山通武陵遣侍中馬良安慰五谿蠻夷咸相率響應三國蜀志陸遜與呂蒙克公安南郡徑進領宜都太守蜀漢宜都太守委郡走都城長吏及蠻夷君長皆降吳志

陳

吳明徹軍次峽口克北岸城南岸守者皆棄城

長陽縣志

卷之六

兵事

二

走陳書

涪于陵克臨江郡周臨汀太守劉顯光率眾內

附陳書

隋

楊素爲行軍元帥趣三峽遣開府王長襲從南岸擊欣別柵令大將韋劉仁恩趣白沙北岸比明而至擊之欣敗虜其眾勞而遣之隋書

唐

高祖詔趙郡王孝恭與李靖率巴蜀兵順流下



銑遣文士宏拒孝恭戰清江口孝恭大破之拔  
宜昌當陽枝江松滋僞江州蓋彥舉以城降唐書

五代

魏王繼岌已破蜀季興因請夔忠萬歸峽等州  
為屬屢請與之西方鄴克其夔忠萬三州季興  
遂以荆歸峽三州臣於吳五代史

宋

乾德元年慕容延釗平高繼冲以三州十七縣  
來歸北宋史

長陽縣志

卷之六

兵事

三

元

阿里海牙至江陵縱火焚其柵宣撫朱禕制置  
高達恐即以城降傳檄歸峽常德鼎澧隨辰沅  
靖郢復均房施荆門及諸徭洞無一梗阻元史  
野峻臺四川參政討賊咬住分銳卒八百使為  
前驅攻克巴東時歸峽等州皆為賊守野峻臺  
破賊江上斬溺無算已而歸峽平元史

泰定三年丙寅夏四月容米洞蠻田先什用等  
結十二洞蠻寇長楊湖廣行省遣九姓長官彭



忽都不花招田先什用等五洞降

元史

武宗三年庚戌夏四月容米洞官田墨糾合蠻首段千戶及戌卒八千餘人俘掠良民

元史

明

崇禎十七年土司唐鎮邦乘闖逆之亂率蠻獠攻掠長陽縣巡檢兵寡退守漁洋關

容美宣撫司領長官司四曰椒山瑪瑙曰五峯石室曰石梁下峒曰水澆源通塔平明太祖以容美洞宣撫使田光寶爲四川行省叅政容美

長陽縣志

卷之六

兵事

四

洞等處軍民宣撫司事仍爲置安撫元帥以治之又改宣撫司爲長官司以光勝爲長官洪武十八年蠻苗作亂諸土司地多荒廢長官亦罷承襲永樂間石梁下峒椒山瑪瑙水澆源通塔坪三長官司隸容美

長陽地連容美諸峒峒蠻每出掠洪武中長陽人譚天富率眾擊敗之乃選如天富者授以巡檢職以捍禦諸司

天順元年巡撫劉愨議以荊州去施州遠不便



巡歷夷陵西有傅友德所闢取蜀故道各百里  
荒者抵衛五百餘里請移巴東之石碛司巡檢  
於野三關施州衛之荆門驛於河水鋪三會驛  
於古夷鋪崇禎十二年容美田元疏言穀賊復  
叛調用土兵糧馬先行突有悍軍鄧羅昌等憚  
於征調計圖脫伍賄囑巴東知縣蔡以逼民從  
軍詳報時寇盜充斥亦不復問矣

以上舊志

國朝

長陽僻處山陬人不知兵自轉徙多於土著民

長陽縣志

卷之六

兵事

五

日益貧瘠風日益喬野易整飭亦易動搖此傳  
習邪教之徒得以相煽惑而篝火狐鳴卽在深  
篁密箐中也嘉慶元年丙辰正月知長陽縣事  
陳燾署事沈堂風聞河南白蓮教首劉之協傳  
徒劉光先趙利全等在七坵金子山各處倡吃  
齋燒香之說宵聚晝散始而斂財行淫漸至陰  
謀不軌前後擒治百餘人先是教匪議以辰年  
辰月辰日起事旣匪黨自知骹法無赦二月林  
之華起九州河覃士輝起宗谿花兒屋塲舉白



旗裹白巾揭竿嘯聚從者數十由鎖傳灣過清江沿途焚掠晝夜不絕烽適逆首覃佳耀結連佳藩佳蘭號入大家出風火山林之華覃士輝自毛坪出小峯埡秀峯礮三口井珍珠頭與之遇合營於榔坪擄糧撲卡匪焰益熾三月二十七日宜鎮中營遊擊邱作訓湖南九溪營守備張鼎巴東知縣黃應文先後以援師至分前後河兩路進攻邱黃領官兵一千邑拔貢生彭世璉生員向維鴻維英監生江應潮領鄉勇數千

共赴後河會大雨失利賊潰圍於查角石邱黃及江應潮勇首任美文俱陣亡匪勢愈張遂燒秀峯橋前河守備張鼎領奮勇官兵三百餘名邑典史錢聲遠邑生員李宗瓚田兆遠田子任李宗熙職員李宗遠田藍玉生員熊魯望鄉約劉萬海共領鄉勇數千三月二十九日賊大至戰於秀峯橋殺賊數百張鼎熊魯望外委黃堂位殲焉是時鄉勇盛集牛札口西晒坪洞頭溝黃家壩轉馬樓黃楊坡漆樹埡都鎮灣四圍堵



捕絕其糧道八月十一日匪乘守禦少懈破曉  
風埡窺資坵將軍成德提督文圖九月初一日  
由鴨子口進逼關口宜昌鎮黃瑞營於資坵江  
之南兩路夾攻匪又偵知四川總制福齡以師  
來會水無停舟陸無狡穴遂於十月十一日一  
面縱火燎原一面折屋縛筏夜半乘喧悄渡冲  
殺對鵝溪監生方濱死之比福帥以川兵至匪  
已由吳家口踞黃柏山矣黃柏山爲邑西阨塞  
岡巒叢阻廣袤百餘里匪因糧守險耽耽有負

隅之勢福帥旣駐山竹坪分兵作三路東由陰  
家坵長嶺等處抵四方臺西南由流溪猴兒嶺  
等處抵城子口北由清江桃山白沙坪等處抵  
燕子岩有隘必守匪數萬不敢出而兵力旣分  
亦難深入相持者六閱月二年初八日威  
勇侯額勒登保帶同宜昌鎮張廷彥以大兵進  
次山竹坪命邑拔貢繪地圖曰簡而明並令率  
同貢生劉斌儒彭世璣生員饒宗濂李宗素張  
樾李嗣濟吳治國楊玉職員覃大鵬向廷詔劉



舉曾宗立皮學純黃順章胡百川賁自鎮等各  
領鄉勇助戰兼守糧臺協同福帥四面攻勦於  
時額福張直逼四方臺成將軍德關將軍成總  
制勒保總鎮慶溥關某翼長楊遇春朱上鳳豐  
某帶同大小弁兵率領紳士鄉勇各當一面匪  
勢少蹙大砲晝夜轟擊聲震數百里於十三日  
拚死冲破燕子岩至芭葉山止焉所遇如車棚  
傅家堰巴東之野三關建始之銅古營無不受  
其蹂躪道途紆阻額侯尾追月餘日至大庄又

冲紅土溪建昌鎮謝某以殺賊死追益急匪抄  
徑兜轉星峯石灰橋入踞長陽帽子山月餘復  
冲腰帶岩夜遊山至馬狐營大兵追殺賊數千  
是戰也賊大挫竄伏無定所走四川奉節縣江  
防警嚴復轉逕巴東建始界入長十一月初一  
日由剪刀山據株栗寨額福兩帥分兵於土地  
嶺環攻鵝堵山五峯觀沈海河五株峽寨四面  
陡絕皆數百仞壁立衆無所用翼長楊遇春募  
鄉導尋得樵徑懸重賞得奮勇三百人命千總



祝某率領猿攀蛇行半夜抵寨後用火攻燒其  
卞大兵由前路搗其巢逼至腰登岩大半跌斃  
深澗中逆首覃佳耀以千餘人逸去額侯追剿  
九碗河懶板橋九丈岩擒佳耀於歸州之終報  
寨餘賊悉平時嘉慶三年正月也

嘉慶元年宜都縣教匪聶傑人張正謨劉洪鐸  
僧廣靈燒殺聶家河一帶去長陽城四十餘里  
磨市峯山花橋三鄉民婦老小遷避山頂及深  
洞者其強壯者各備器械於險隘設卡堵禦按

察使張長庚委試用縣丞蔣振萬代辦縣事飭  
派三鄉紳士何其昌譚楚楊正綱劉正肅劉正  
甲李溥陳光耀覃振湘各領鄉勇堵截黃家灣  
中溪河等處正月二十四日宜昌鎮曾某遇害  
賊勢漸張總制畢沅駐守荊州撫軍惠齡駐守  
枝江札行長陽速集鄉勇防禦自是分三鄉爲  
三營齊赴聶家河防守各鄉殷實捐給口糧如  
是數月至四月初林之華覃佳耀蜂起了角石  
等處消息已與宜匪潛通蔣振萬率同紳士集



三鄉鄉勇千餘益宜都近界鄉勇一千餘人進  
攻賊寨殺賊無數覃振湘之兄振河及勇張炳  
張榜林國喜段正位俱死之通稟入奏蔣振萬  
賞給六品頂翎何其昌賞給六品頂戴譚楚賞  
給八品職銜後各省大兵雲集三鄉鄉勇營所  
皆去賊穴不遠日夜攻圍賊勢漸衰八月中旬  
乃始平定邑東南鄉約百餘里房屋未燬士民  
無恙乃蔣力也舊志按教匪蔓延三省攻戰十  
年獨長陽宜都成功甚速雖曰武力之奮實由

長陽縣志

卷之六

兵事

十

廟算之神謹備錄

上諭如左

嘉慶元年四月初二日奉

上諭又據另片奏署巴東縣黃應文遊擊邱作訓等於  
查角石地方勦賊突遇匪徒數千人蜂擁而至黃應  
文等猝不及備致被戕害又守備張鼎於秀峯橋勦  
賊亦因眾寡不敵受傷陣亡等語署知縣黃應文與  
伊子黃揆遊擊邱作訓縣丞林江守備張鼎殺賊損  
軀殊堪憐惻俱著咨部加等議卹並查明黃應文如



尙有子嗣於事竣後送部引見其受傷之武舉趙時  
愷亦着該撫存記陞用至長陽一帶賊匪乘虛蟻聚  
不可不速行撲滅文圖接准惠齡札會自應就近由  
興山一路速往但恐文圖一人尙不足以資董率昨  
傳諭恒瑞永保二人酌量分一人帶兵速赴更可督  
率勦辦此時惠齡軍營已得勝勢長陽長樂之賊俱  
係張正謨黨與思往接應惠齡惟當倍加奮勉將賊  
首張正謨拏獲其餘必自紛紛瓦解恒瑞永保何人  
前往長陽各行加緊馳奏以慰屢注欽此

張鼎子嗣亦奉查送

長陽縣志

卷之六

兵事

元年四月十一日奉

上諭昨據惠齡奏長陽一帶亦有賊匪蟻聚滋擾並戕  
官等事已降旨令恒瑞永保或不能分身前往卽令  
文圖由興山歸州一帶速赴該處以資勦辦欽此

元年四月十五日奉

上諭此時湖北各路均有官兵堵勦惟長陽一路兵力  
較單前諭令文圖由興山取道速赴長陽將欲救應  
張正謨戕官之林之華等速行擒捕文圖接奉前旨  
自己前抵該處如長陽一路賊匪已經勦淨該縣距



宜都不過數十里張正謨又係緊要賊首亟須掣獲  
文圖即可帶兵前往協同惠齡勦捕欽此

元年五月初四日奉

上諭再長陽賊匪林之華等胆敢聚眾戕官實爲可惡  
惠齡在宜都灌灣腦而文圖又在保康黑龍溝勦辦  
餘匪未能即時前往斷無令賊在長陽長樂盤踞肆  
擾之理惠齡務當趕緊生擒首逆張正謨等就近移  
師長陽等處相機勦辦欽此

元年五月初七日奉

長陽縣志

卷之六

兵事

十二

上諭看來來鳳一帶已可尅期掃蕩孫士毅福寧卽當  
前赴長陽長樂將戕官賊首林之華及附近屯聚賊  
匪剿除淨盡欽此

元年五月十一日奉

上諭着傅論文圖於保康縣喇叭洞賊匪勦竣後卽帶  
兵速赴榔坪一帶上緊勦辦勿任日久蔓延欽此

元年五月十六日奉

上諭榔坪賊匪胆敢糾眾滋擾實屬可惡惠齡飛札知  
會宜綿將駐劄商州兵一千名委員帶領就近星赴



巴東一帶協勦商州之兵昨已據宜綿派令總兵楊秀由水路前赴襄陽計恒瑞等現在兵力厚集無須此項兵丁協勦而文圖所帶之兵恐不敷勦捕之用着傳諭楊秀不拘行抵何處即將所帶之兵星速取道前赴榔坪一帶會合文圖實力圍勦逆匪並擒拏賊首林之華等以期迅速集事欽此

元年六月初七日奉

上諭另片奏通判木特布盤獲賊匪訊出苗明魁等欲往榔坪入夥卽帶鄉勇前往搜捕拏獲苗明魁等審明正法木特布卽以同知升用欽此

長陽縣志

卷之六

兵事

十三

元年七月初一日奉

上諭在榔坪守卡殺賊之知府王春煦典史錢聲遠俱着以應升之缺升用草弁楊上清准其開復欽此

元年七月初三日奉

上諭榔坪之賊亟須搜捕惠齡尤當將灌灣腦賊匪速行勦淨就近速往榔坪擒拏林之華等毋再遲延干咎欽此

元年七月二十日奉



上諭其在長陽堵殺榔坪賊匪之試用知縣甘慶增及把總外委等俱用硃筆圈出着惠齡咨部分別議敘欽此

元年八月二十七日奉

上諭惠齡現因涼山地方有匪徒數百人聚集業經親赴該處查拏一俟涼山賊匪勦竣卽移兵前赴榔坪並囑成德文圖先帶官兵二千馳赴長陽一帶迎擊榔坪賊匪又福寧等勦淨宜恩縣賊匪後亦卽移至榔坪會勦兩面夾擊無難一鼓撲滅將賊首林之華長陽縣志

卷之六

兵事

七

悉數擒獲掃除餘黨肅清地方欽此

元年九月初六日奉

上諭又據惠齡奏榔坪賊匪林之華等分爲兩路往長陽歸州巴東等處滋擾等語長陽一路已有成德文圖帶兵前往着傳諭成德等速由小峯壩至長陽一帶奮力勦捕其歸州巴東一路亦不可無兵堵勦着傳諭福寧卽速帶兵截殺將林之華覃加耀設法生擒勿稍延緩欽此

元年九月十三日奉



上諭現在榔坪之賊在長陽巴東一帶滋擾今又有欲渡河之信不可不速行堵勦此時福宜等所辦之賊自己搜捕完竣着卽乘兵威勝勢速赴榔坪自南而北文圖成德帶兵自北而南兩路會合夾擊以期一鼓集事欽此

元年九月十五日奉

上諭又據成德等奏痛勦關口撲卡賊匪情形一摺該處賊匪屢經官兵勦殺尙敢乘霧雨之際前赴卡壩冲突經成德等預行撥兵防備殲斃多賊所辦亦屬

長陽縣志

卷之六

兵事

十五

可嘉所有守卡殺賊之朱士奉着加恩以副將卽補其餘帶兵守卡殺賊之將弁等均着以應升之缺升用武生吳萬清孫榮植孫貴卽着以千總把總外委等官酌量拔補至成德處兵力較單尙覺不敷攻勦此時惠齡搜捕涼山餘匪自己完竣就近帶兵馳赴榔坪而福宜等又已由宣恩移兵會勦與成德惠齡分路夾擊賊匪自無從逃竄欽此

元年九月二十三日奉

上諭成德奏官兵奪獲寥葉口長冲賊卡情形一摺該



處賊匪被官兵在關口勦殺後仍敢負隅抗拒將路徑挖斷紮卡防守可惡已極經成德文圖直撲卡壙殲斃賊衆將賊卡奪獲二處所辦好所有帶兵出力之將弁等俱着查明咨部議敘此次跟隨成德文圖打仗殺賊之兵丁着賞給一月錢糧以示鼓勵至該處距榔坪賊巢不遠賊首林之華從未見官兵聲威成德等乘此勝勢鼓勇直前無難將林之華剋期擒獲欽此

元年十月初五日奉

長陽縣志

卷之六

兵事

十六

上諭適據福寧觀成等痛勦榔坪分擾逆匪焚燒巢穴追捕窮竄逸匪一摺覽奏欣慰榔坪之賊林之華覃加耀希圖分路滋擾經福寧等由張家村勸農廳兩路夾攻殲賊甚多深入一百數十里奪獲四卡覃加耀已被鎗傷竄往長陽之滋邱地方福寧觀成雖未能擒獲賊首將譚家村一路賊匪全行掃蕩而巴東境內附近賊匪業經解散辦理尙屬可嘉所有陣亡之守備曾眷前鋒哈豐阿土都司王林保千總澤朗把總班第俱着咨部加一等優卹又據成德文圖等



奏跣探地勢勦殺賊匪一摺成德文圖雖未能直抵  
滋邱賊巢但所帶兵丁無多尙能殺賊此時覃加耀  
竄至滋邱自與林之華聚集一處福寧觀成自西而  
東成德文圖自東而西兩面夾擊正可將滋邱賊匪  
聚而殲旃並將賊首林之華覃加耀擒獲欽此

元年十月十五日奉

上諭此次成德文圖各帶兵勇由長冲扁擔埡左右抄  
擊行至沉香溪山坡遇賊殲斃三四十人生擒二人  
經官兵會合追趕因風雨驟至大霧頓起暫行收兵

長陽縣志

卷之六

兵事

十七

回營但閱圖內方向福寧等官兵在滋邱之西進攻  
賊巢在滋邱之南圖內繪有大河一道沿河有路可  
通福寧觀成應取道河邊自西而東成德文圖亦取  
道沿河自東而西兩面夾擊直搗滋邱至賊匪後路  
各山祇須派兵防堵勿使乘間竄匿爲要酌量情形  
迅搗賊巢欽此

元年十月二十一日奉

上諭福寧等奏小峯埡爲滋邱門戶山勢險峻若從正  
路進攻賊人憑高肆惡急切不能得手現在跣探路



徑相機進勦等語小峯堙山高萬仞由彼進攻未免  
攀陟維艱着傳諭福寧等仍遵前旨取道沿河舍難  
就易或於小峯堙一帶酌安兵丁虛張聲勢使賊匪  
仍在北面拒守不防官兵繞道沿河東西並進更可  
出其不意直抵滋邱賊巢既破其餘北面賊卡自必  
不攻而潰欽此

十月十五日攻克小峯堙有武昌城  
守營叅將楊治寧中鎗陣亡

元年十一月十四日奉

上諭現在官兵得勝連奪要隘正當乘此鼓勵將士上  
緊攻勦其陣亡之遊擊陳戴德殊屬可惜着咨部加

長陽縣志

卷之六

兵事

十六

一等議卹再閱圖內陳德文圖同在賊巢之東諸神  
保慶溥同在賊巢之西成德文圖二人竟當分文圖  
一人由東南之梯兒岩四方臺一帶進攻諸神保慶  
溥二人中亦酌分一人繞由西北之城子口九洲一  
帶進攻如此多路進取使賊匪抵防不暇著酌量辦  
理爲要欽此

元年十二月十四日奉

上諭黃柏山之賊雖據福寧等奏稱相度機宜速籌掃  
蕩但閱所奏情形林之華覃加耀尙未就獲搜捕亦



畧須時日惠齡觀成俱離該處雖帶兵大員尙有成  
德文圖諸神保慶溥在彼而調度只有福寧一人計  
勒保前奉前赴四川諭旨卽已啟程亦必未出楚境  
着傳諭勒保不必前赴四川於何處接奉此旨卽於  
該處取道迅赴黃柏山幫同福寧督辦黃柏山一路  
官兵現經觀成帶領五百名回川倘該處兵力不敷  
卽着勒保酌帶貴州得勝之兵前往協勦欽此

元年十二月二十日奉

上諭額勒登保德楞泰各酌帶撤回湖北之兵分赴黃

長陽縣志

卷之六

兵事

十九

柏山及棗陽一帶幫同督勦欽此

嘉慶二年正月初八日奉

上諭據勒保奏在川省途次接奉諭旨卽帶領黔兵取  
道馳赴湖北黃柏山勦賊等語該處賊匪經福寧帶  
領將弁屢次奪獲賊卡並設法截其汲道已成奔獸  
釜魚而勒保又帶兵踵至此時自當攻克四方臺直  
搗賊巢將首逆林之華覃加耀擒獲勦盡匪黨務於  
年節內遞到喜報以慰廛注欽此

二年二月二十九日奉



上諭額勒登保現赴黃柏山協勦務須加緊行走迅抵該處昨據福寧奏官兵攻克夜遊山逼近賊巢賊人門戶已破勢益窮蹙林之華覃加耀不日就獲欽此  
二年三月初十日奉

上諭福寧奏官兵連日勦殺賊匪一摺雖經焚燬賊卡殲戮匪眾仍未能奪佔四方臺直搗賊巢務卽設法進攻迅奏捷音其受傷之士遊擊阿朋松多土都司楊德明土守備作斗交土把總等均着一併咨部賞卹欽此

長陽縣志

卷之六

兵事

二年三月十二日奉

上諭又黃柏山一路福寧攻圍日久迄未攻克賊巢額勒登保係素能打仗之人何以到彼後亦未見捷音奏到欽此

二年四月初三日奉

上諭黃柏山餘匪竄入芭葉山額勒登保等自己趕上  
撻擒欽此

二年六月初三日奉

上諭再額勒登保等於初二日奏到進攻芭葉山賊匪



後已隔七日亦未據有奏報該處賊匪既經官兵四面拏卡不能乘間他逸自當設法進攻豈有與匪日  
久相持之理欽此

二年閏六月十四日奉

上諭額勒登保等奏節經躡探賊踪俱向五家河前去  
額勒登保等趕至白菓坪勦殺賊又竄至馬家壩復  
經官兵躡勦現俱逃至宣恩縣之椿木營一帶等語  
額勒登保惟當速擒首逆馳奏捷音欽此

二年閏六月二十七日奉

長陽縣志

卷之六

兵事

三

上諭昨因額勒登保等一路竄匪恐其又往長陽一帶  
滋擾令汪新帶兵前往堵拏欽此

二年七月初二日奉

上諭額勒登保等前此進勦賊匪至宣恩一帶其後路  
畱防緊要卡隘既有鄉勇在彼守卡必有地方文武  
各官管束督防況賊匪奔竄無常自當慮其折回預  
爲防範豈有白魚寨緊要之處竟無一官致墮賊人  
奸計被其搶佔之理着汪新查明具奏欽此

二年七月十三日奉



上諭該處賊匪前據額勒登保等奏官兵屢次殲殺餘匪竄至帽子山城子口屯聚並據稱懸崖峭壁無路可通之處甚多尙易堵截等語此等敗竄餘匪屯聚一處又無匪黨爲之接應自必易於辦竣何以又隔四日未據速奏捷音着傳諭額勒登保等務宜上緊勦辦並畱心防範斷不可使與歸州巴東賊匪合夥此爲至要欽此

二年八月初六日奉

上諭額勒登保等前奏攻克石門岩雙脊坪賊卡尙未將首逆擒獲朕心甚爲焦切欽此

二年八月十七日奉

上諭額勒登保等圍勦帽子山賊匪已於各要隘拏卡進逼賊匪糧食已盡新出包穀無多勢已窮蹙前據額勒登保等奏設計暗伏官兵故畱一路誘賊下坡俟賊匪由此路逃竄卽將截拏等語與前降諭旨相符朕日夕懸盼尤爲殷切欽此

二年八月二十日奉

上諭現在額勒登保一路攻克懷抱窩賊卡尙未拏獲



首犯林之華等看來勦辦畧須時日欽此

二年九月初八日奉

上諭額勒登保等一路官兵不下八九千人圍困三四千敗竄之賊日久總未得手今僅得帽子山空寨一處而首逆仍復逃竄榔坪任其往來自如實難辭咎  
欽此

二年十月十二日奉

上諭林之華等前據額勒登保奏已由巫山折回建始着將如何兜勦情形覆奏欽此

長陽縣志

卷之六

兵事

三三

二年十月二十二日奉

上諭現據額勒登保等奏林之華業經鎗斃祇餘覃加耀自可即日就擒湖北長陽地方漸已寧謐欽此

二年十一月二十二日奉

上諭據文圖奏長樂地方又有賊匪數百名因大兵遠去四出焚掠着汪新查明此股賊匪是否新起之賊因覃加耀竄回乘機響應抑或本係覃加耀一夥分竄長陽長樂以爲牽綴官兵之計卽行覆奏欽此

二年十一月二十三日奉



上諭該處賊匪由黃柏山一帶竄回朱里寨劄卡屯聚欲藉山險以爲藏身之固着將生擒賊首情形加緊又緊速奏以慰厯注欽此

嘉慶三年正月二十四日奉

上諭額勒登保江新奏擒獲首逆覃加耀掃蕩楚北餘孽一摺此次覃加耀自巴東折竄歸州在終報寨地方內藏匿協力攻圍始行就獲其首先擒獲覃加耀之都司張廷楷着賞換花翎把總孟光爵武舉李普光外委王登科俱賞帶藍翎仍各以應升之缺升用長陽縣志

卷之六

兵事

二十六

鄉勇頭目高元季俱着賞給六品頂戴藍翎以示鼓勵欽此  
以上逐條皆節錄  
嘉慶元年六月奉

上諭惠齡奏鎗斃賊首劉鳴盛並奪獲賊卡一摺灌灣腦賊亟須奮力進攻步步逼緊斷其竄往榔坪之路又現在文圖帶兵已至聶家河灌灣腦近在咫尺得此兵力尤應直前合擊一鼓蕩平以便肅清一處卽移兵前赴榔坪會合楊秀併力進剿擒拏賊首林之

華等  
通志



元年九月奉

上諭昨據惠齡奏林之華現分兩路希圖滋擾必須速行撲滅並將賊首林之華覃佳耀剋期擒獲以免匪徒竄至他處

通志

元年九月奉

上諭福寧等由宣恩一路已赴榔坪現在作何會合進剿之處未據奏到此時各路之兵俱已到齊福寧尤當督率將弁兵丁會合成德文圖兩路夾攻以期一鼓集事毋得再任延緩

通志

長陽縣志

卷之六

兵事

三

嘉慶二年十月奉

上諭現據額勒登保等奏林之華業經鎗斃祇餘覃佳耀一犯自可即日就擒湖北長陽地方漸已寧謐

通志

咸豐三年癸丑粵匪楊秀清等率羣賊趨湖南破岳州漢陽十二月初四日省城不守全湖震動甲寅四月遊賊至荊州府之龍會橋總鎮王國才率滿漢兵擊走之賊覓聞趨風火山破宜昌順流下至宜都烽火及長陽邑人大恐老幼男女竄伏山谷武漢荆沙避賊者踵至風聲鶴



唳動魄驚心又有不逞之徒乘亂劫掠以賊勢猖獗置不問

咸豐丁巳正月賊復破宜昌官監前事諭眾團練大鄉分團小鄉合團行之三年奉文撤止

按長邑地分三鄉曰崇教曰安德曰安甯教德二鄉俱在東南俗稱善良最西甯鄉去縣治遠者三百里近亦百餘里地有黃柏山株栗寨黃金嶂四方臺皆峭壁巉岩叢林密箐所謂深山大澤實生龍蛇者也故其人多蠢

長陽縣志

卷之六

兵事

三

愚强悍罔知顧忌卽有秀良文學不免一傳眾咻燒香餐素之徒因其悍愚誘之以生粟生金動之以成仙成佛始則營私牟利繼乃希冀非常秦佳耀林之華所以自罹重辜也首逆旣誅善後者欲設巡檢資坵以便約束典史任元春謂資坵有巡檢則長陽典史可裁遂不果嘉慶乙亥山西夏縣劉砥以進士令長陽正身率下去莠安良巡行鄉閭熟知利弊愛民如慈母課士如嚴師甫屆期年政



簡刑清獷悍之風幾於一變會以闡校赴省  
夕波永逝循良沒玩忽生善氣銷非心作仍  
狂奴之故態視劫奪如舊章威力脅夫閭閻  
猶蠹友夫胥吏丹楹刻桷僭乎上竟忘名分  
之懸殊稗官野史立之師不知語言之多妄  
乏吳越秀良之美成嶺嶠清淑之窮習俗之  
偏江河益下道光丁未前知宜昌府事陳熙  
晉聞秦佳耀逆孽逃戍回長委員密察覆以  
空文長官深未雨之防屬吏忘堅冰之戒迹

長陽縣志

卷之六

兵事

三

其省事何異崇姦咸豐甲寅郡城不守長邑  
人心皇皇卽有不逞之徒挾賊爲重此時若  
稟發重兵誅始禍寬脅從未始不可簫勺羣  
慝徒以粵匪跳梁疥癬齊視涓涓不塞將爲  
江河毫末不伐將用斧柯同治三年乃復有

田士珺之禍

田士珺者邑西泉水里人也一名思羣賦性殘  
忍強悍多力常衷刃行廣結納庇四方亡命與  
長樂縣蠹役王啟幅書吏唐香云醫生李明德



軍徒何攸貴積惡章光玢爲死交又有骫法之徒呂世祧覃其烈田士超田開益龔紹渤往來應求羽翼旣眾漸蓄異志咸豐六年私造刀矛有洩其事者其族長田青遠等至其家搜之不獲其事遂寢同治三年夏王啟幅在長樂訛詐被控長樂縣令捕之下獄尋越獄逃匿士珺家乃質其母獄中八月初三日士珺突入長樂謀劫獄出啟幅毋不果

十月初六日士珺長樂回時臬司唐際盛訪聞

長陽縣志

卷之六

兵事

三

嚴飭長陽長樂兩縣重辦長陽縣令密諭田氏戶族縛送士珺先是呂士祧等黨於士珺族長等網送來縣未至逃青遠兩奉縣諭懼其捉而復逃也詣縣問士珺如不可生致死之乎已乎景令但言善辦青遠歸召族中勇健議士珺知官之督過又知族長必不肯以全家易一人也十一月初四日率其黨至資坵殺青遠及其弟桂遠旣知罪不容誅乃造火藥製旗幟移家屬黃柏山僭稱天下倡義都統領封其黨僞軍師



先鋒等官立五營

十一日荆宜施道張建基咨商宜昌鎮葉永泰撥標兵二百飭千總馬長得朱德富資坵外委周大文馳赴長陽城防堵游擊樊國泰率礮船泊宜都清江口

二十一日賊屯紮四方臺密佈羽黨於麻池巴山等處約期合撲宜營二十二日千總馬長得等進營都鎮灣對岸石羊灘知縣景滙率團勇水師新副中營都司唐耀南率礮船以從

長陽縣志

卷之六

兵事

五

二十七日義順營都司曹立全奉臬司唐委率水師二百由宜都西上長陽

二十九日既昏賊由鴨子口下窺石羊灘伏大眾林谷中以二人鳴鼓以二人率長繩繫碎紙筒燃其尾搖之官兵以爲賊大隊至準有火處放鎗礮而黠賊數人已由他徑撲營門馬長得周大文戰死官兵陣亡多人兵斃覃其烈知縣景滙擒僞軍師李明德斬以狗是月湖廣爵督官飭湖北卽補道前宜昌知府唐協和統新訓



毅桓四營兵馳赴長陽縣勦辦

十二月初六日賊更移營株栗山山形如甌壁立千仞徑三挖斷其二畱西南一路爲負隅計

初六日宜昌鎮中營游擊農依本帶兵二百至駐城外之七里灣

十三日士珺復統眾至楓子嶺都司曹立全遣哨官王德高率百餘人緣岩西上適有防堵紳士率團勇緣岩東下賊以爲合圍遂退

長陽縣志

卷之六

兵事

三

十七日唐統軍輕騎至長陽延訪邑紳幹練者以機宜僉謂株栗山勢絕險仰攻不能長圍不可非說之下萬難得手統軍遂決意勦撫並用十八日大隊踵至營城外之三里店統軍馳諭株栗山士珺回書語多狂悖尾署甲子元年統軍復遣諭往返數四不能得其要領乃擇邑紳之幹練望著者購覓引線親往聞田崇故與田士珺習馳命召之是月爵督官復調提督譚仁芳帶仁勝四營由長樂之漁洋關進勦游擊樊



國泰亦自宜都至

四年正月初三日移營都鎮灣初十日田崇至  
邑紳等遂以爲引線聯騎上山十二日至寨士  
珺盛兵仗以迎邑紳等諭以恩威曉以利害不  
應復反言激之開誠告之始首肯訂於十五日  
投誠十三日邑紳等回營十四日統軍許於仙  
人橋納降偵探者稱士珺厚集黨羽恐非真遂  
不果

十五日士珺至仙人橋統軍命邑紳等往諭且

長陽縣志

卷之六

兵事

三

示以易地改期並以僞軍師唐香云來統軍面  
諭之十八日邑紳等及委員復奉統軍命偕唐  
香云至水竹園慰留士珺許其在該處就撫連  
日大雪未行

二十二日統軍傳諭士珺來靖安就撫士珺報  
可二十五日統軍率中左兩營駐紮靖安士珺  
留其兄士超守寨自以數百人至馬連統軍遣  
邑紳等往諭毋用眾往返數四士珺始分佈眾  
匪於馬連巴山等處率死黨二百人來靖安邑



紳等悉其詐給士珺安置羽黨營右民舍款以酒食躬引田士珺唐香云何攸貴曾正仁覃其煉楊茂發來見統軍慰勞如平生思珺目動言肆不數語卽告退口稱回山邑紳等隨將士珺六人帶入帳後空宅先是宅中伏親兵百人甫入門伏者出土珺等拔刀格鬪士珺受傷就縛斃曾正仁躍而顛差官劉學慶伏而斷其首何攸貴覃其煉楊茂發均伏誅唐香云匿樓上搜殺之從行逆眾旋來撲營左營都司李得勝帶

長陽縣志

卷之六

兵事

三

勇拒之統軍自率本部哨官總當要隘直前奮擊殲焉獲鳥鎗二十七桿抬鎗十桿劈山礮一尊刀鎗九十四件官兵陣亡五受傷十一函渠逆首六遞解荊州傳各處示眾

二十七日統軍率前右兩營由南路水竹園進次長坪左營都司李得勝由北路進次巴山營務處蘇訥帶中營由龍家坳進次麻池一面飛咨提督譚仁芳由龍潭坪葉家壩進攻山寨

二十八日譚軍上山搗其巢穴緣山宅舍焚燬



殆盡田士超保護士珺家屬逃匿剪刀山餘匪潰散二十九日統軍飛諭四鄉紳團及田呂戶族搜捕餘黨

二月初一日統軍移營西灣各鄉紳團擒獲逆匪土匪絡繹解送來營均訊明正法士珺之母妻謝氏並子雷生解送省垣

二月十五日和勝前左右三營回長陽老營十七日唐統軍率中營赴長樂查辦十九日抵長樂各鄉紳團分送逆匪均正法二十四日統軍

長陽縣志

卷之六

兵事

三

回長陽命代理知縣陳文韶辦理善後事宜三月十五日拔隊出山

按田士珺憑險負隅狡焉思逞未易剪滅唐統軍勦撫兼施以羣策屈羣力師同時雨令肅秋霜不折一兵不發一矢而功奏俄頃其搜捕餘黨止用鄉團有漏刃無淫刑其有造

於長陽甚鉅故於其去也邑人爲之樹碑以

記附株栗寨平賊碑文古之以功德壽金石者皆膏澤羣黎馨香百代勒姓名於鐘鼎

標行義以圭璋抒父老心精表賢良治績碑高數丈文擅千秋顧考其始終莫不殫竭智



謀展延歲月未有崇朝變起俄頃功成如我  
都轉唐公之剪夷醜類綏靖郊原俾長陽士  
民望慰來蘇名稱不朽者也長陽僻介荆西  
爲鄉七十有二最上爲株栗寨四方臺皆山  
谷幽深俗風強悍逆匪田士珺桑梓密邇蹈  
北方金革之習有渤海刀劍之心勾結凶頑  
招來黨羽同治甲子采入長樂縣劫獄不果  
歸殺其族長青遠脅眾千百人入株栗山是  
山廣輪百里鳥道程孤有土有田可耕可守  
嘉慶丙辰教匪覃佳耀林之華盤踞其中威  
勇侯額攻圍年餘始下楊太俊洞庭之險除  
是飛來鄧艾歷蜀道之難憂其坐困夜郎不  
知漢大粵嶠自詡南強雖曰負隅實非小醜  
時爵相官秀峯先生總制兩湖熟公才畧命  
率本部兵水陸齊上復命譚蘭亭軍門抄漁  
洋關駐長樂爲聲援十一月二十日公至長  
陽縣召問紳耆具知賊狀移營都鎮灣念田  
逆庸愚持之過急則困而猶鬪予以寬大則

長陽縣志

卷之六

兵事

三

喜於得生遣紳耆等持檄招撫許以自効並  
移營靖安以俟往返再四始以乙丑正月二  
十六日與其黨唐香云何攸貴曾正仁等率  
劇賊數百投誠輸款李愬之於蔡將推以腹  
心庭輝之入唐營特加寵異不是過也詎田  
逆鳩形雖化鷹眼猶存懷吐蕃劫盟之私爲  
黃蓋乞降之詐公譙張具悉部署多方燭影  
刀光戰場碎啟橫衝曲躍隼翮徒矜夜漏未  
闌元凶盡斃會譚軍門亦由長樂進兵掃清  
山寨梟千騎黃巾之首慰四境蒼赤之心非  
謀勇兼施何以能此然而跋扈漏網不乏巨  
鱗大澤深山寶多伏莽兵民本非素識誅戮  
懼其濫加乃仿保甲之規申團練之法迫脅  
者從公原宥黨逆者率眾搜尋異瓜蔓之抄  
良善保其八口洗株連之慘伏法不過數人  
化烈日秋霜爲和風甘雨生死肉骨是公之  
大有造於邑西也且夫汾陽臨淮寬嚴異尙  
荷戈負耒仁暴殊科荆棘生自平沙芻蕘異



於他日軍行之虐今古同歸當田逆之伏誅也軍門肅隊東下隨行游勇頗存驕縱公先行誥誠嚴刁斗飭銀刀花帽葫蘆具難干之色摸金掘冢銷殘酷之衷嗚吠不驚市芸如故邑東之老弱又公所保抱而携持也公昔用兵南北剖符宜昌皆仗忠信涉波濤以仁義爲干櫓揚麾下邑彌稟素衷故自逆黨駢誅凡在編氓莫不撫之如嬰孩親之如父母雷霆雨露殊其用鈇鉞華衣異其施出水火之中登衽席之上吉甫三捷未足擬其速司馬百日無俟定其限雲收峻嶺將軍之軌轍可尋關置夷城務相之勳名共紀其詞曰○紅子之封原君之壤株栗鬼巖層岩直上石磴孤盤土原平敞萌芽巨姦朋比非黨肆害五峯推刃九族蓄虎狼心逞蠡蠹毒壯健朝奔赤孩夜哭蠻崗苗疆凶區鬼窟公來討逆先後進師馬連都鎮漆竈晨炊顧念鄉愚先行招撫飛一紙書息三通鼓命以從征別開

長陽縣志

卷之六

兵事

三五

幕府昇爾資糧分爾卒伍蠢茲田逆外順中忤衷甲會盟伏戎尊俎公運神機知叩勇賈盃炙甫陳盾刀競舞殲厥渠魁燒其勁旅桴鼓無聲帷帳安堵公念長人與賊爲鄰舊染汚俗特地斬新長人有言賊梳兵篋教之團練凶殘不忌復念長人室廬士焦代謀衡宇蒲蓆干條惟此憲功神速罕比不折一兵不發一矢株栗之山靜安之里波剪長鯨林殫大兕昔聞行師歲旱雲霓公來吾長如雨及時樂宣凱唱曲和鏡吹召棠留蔭馮樹垂枝大書深刻視此崇碑